



Na osnovu člana 15. stav 1. tačka 2. Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09), člana 20 Smjernica Federalnog ministarstva finansija o minimalnim standardima dodjele budžetskih sredstava putem transfera i subvencija u FBiH („Službene novine FBiH“ broj: 37/24), člana 39. Statuta Općine Travnik („Službene novine Općine Travnik“, broj 11/05 i 51/09), Programa utroška sredstava iz Budžeta Općine Travnik sa budžetske stavke „Tekući transfer udruženjima građana - Transfer za izgradnju i održavanje spomen obilježja, mezarja i grobalja” i saglasno Odluci o izvršenju Budžeta Općine Travnik za svaku kalendarsku godinu, općinski načelnik **r a s p i s u j e**

JAVNI POZIV

za podnošenje prijava za ostvarivanje prava na dodjelu sredstava iz Budžeta Općine Travnik u 2026 godini “Tekući transfer udruženjima građana - Transfer za izgradnju i održavanje spomen obilježja, mezarja i grobalja ”

I

Predmet Javnog poziva je sufinansiranje izgradnje i održavanja spomen obilježja, mezarja i grobalja iz Budžeta Općine Travnik u 2026 godini “Tekući transfer udruženjima građana - Transfer za izgradnju i održavanje spomen obilježja, mezarja i grobalja” u cilju očuvanja tekovina odbrambeno-oslobodilačkog rata 92-95 godina.

Ukupan iznos budžetskih sredstava za namjene iz prethodnog stava je 28.600,00 KM.

II

Pravo prijave na Javni poziv ima udruženje branilaca registrovana na općinskom nivou.

III

Uz prijavu na Javni poziv obavezno je priložiti sljedeću dokumentaciju (original ili ovjerena kopija):

- uredno popunjen, potpisan i pečatom udruženja ovjeren prijavni obrazac
- uvjerenje o poreznoj registraciji
- uvjerenje nadležnog organa uprave o registraciji udruženja
- potvrdu banke o otvorenom (aktivnom) transakcijskom računu udruženja, ne starija od 30 dana
- podatak o kontinuitetu realizacije projekta za koji se podnosi prijava
- odluka udruženja o izgradnji ili uređenju spomen obilježja odnosno mezarja/groblja
- detaljan opis projekta za koji se podnosi prijava
- predračun radova
- finansijski plan projekta za 2026.godinu sa podatkom o iznosu vlastitih sredstava namijenjena za realizaciju istog
- rješenje o odobrenju gradnje za spomen obilježja u izgradnji (građevinska dozvola)
- posjedovni list parcele na kojoj se nalazi, spomen obilježje, mezarje/groblje za radove održavanja spomen obilježja, mezarja i groblja
- saglasnost vjerske ustanove ili druge pravne osobe koja je posjednik ili ima pravo upravljanja lokacijom predviđenom za održavanje spomen obilježja odnosno uređenje mezarja/groblja

Prijavni obrazac može se preuzeti na internet stranici Općine Travnik ili u Centru za pružanje usluga građanima, šalter sala.

Sredstva po osnovu ovog Javnog poziva dodjeljuju se jednokratno.

IV

Raspodjela novčanih sredstava iz tačke I. Javnog poziva vršit će se bodovanjem prema sljedećim kriterijima:

- raspoloživa sredstva u općinskom budžetu
- vrijednost programa prema projektu i prijavi
- iznos sredstava udruženja namijenjena za realizaciju projekta
- kontinuitet u realizaciji projekata iz odbrambeno-oslobodilačkog rata 92-95 godina
- datum osnivanja udruženja branilaca, podnosioca prijave.

Odbor za boračka pitanja Općinskog vijeća Travnik će posebnim aktom utvrditi način i postupak bodovanja prijava po naprijed navedenim kriterijima.

V

Javni poziv se objavljuje na internet stranici Općine Travnik i traje 30 dana od dana objave.

Prijava na Javni poziv sa potpunim, potpisanim i ovjerenim prijavnim obrascem i potrebnom dokumentacijom podnosi se Službi za opću upravu i BIZ Općine Travnik putem pošte preporučeno ili neposredno na općinski protokol (šalter broj:2 u Centru za pružanje usluga građanima) u zatvorenoj koverti na adresu: .Općina Travnik, Konatur bb - Travnik, Služba za opću upravu i BIZ s naznakom: „Javni poziv za podnošenje prijave za sufinansiranje izgradnje i održavanja spomen obilježja, mezarja i grobalja iz perioda odbrambeno-oslobodilačkog rata 92-95 godina u 2026. godini – NE OTVARATI”

Neuredne, nepotpune i neblagovremene prijave na Javni poziv neće se uzimati u razmatranje.

VI

Proceduru odobravanja sredstava po ovom Javnom pozivu provodi Odbor za boračka pitanja Općinskog vijeća Travnik koji će donijeti Odluku o prijavama podnesenim na ovaj javni poziv.

Odluka će se objaviti na web stranici Općine Travnik I protiv iste će biti dopušteno uložiti prigovor.

VII

Udruženje branilaca kome su dodijeljena finansijska sredstva prema ovom Javnom pozivu dužno je najkasnije do 28.02. iduće godine Općini Travnik dostaviti detaljan izvještaj o namjenskom utrošku dodijeljenih budžetskih sredstava sa priloženim fiskalnim računima, foto dokumentacijom i dr., a u skladu sa sporazumom koji će biti potpisan između Općine Travnik i udruženja koje je ostvarilo pravo na dodjelu sredstva po javnom pozivu.

Broj: 01-04-21-7-449/26
Datum: 25.02.2026. godine



NAČELNIK
dr. sc. Kenan Dautović